

大荔縣舊志稿

王典章題

大荔縣新志存稿卷七

祠祀志

孔道大同理宜尊崇戎馬倉皇借駐崇閎祠頽主毀日月晦蒙
功令修復至正大中氛霾淨掃人仰晴空翔實攷志爰立祀典
之統宗

文廟 在府治東南歷代修葺清光緒三十二年因火災富室趙捐
金八千兩重修培增崇煥不數年兵事作軍人取其閎敞累駐於
中祠宇木主均遭破壞民國二十年九月陝西省主席楊佈告禁
軍人佔駐孔廟倘故違禁令立予嚴懲二十一年六月國府電令
各省嚴禁軍隊駐紮孔廟加意珍護大荔爲左輔首區已藉兩廡
設孔廟小學雖祀典未墜而聖賢木主全無建置古蹟俱廢諸生
何以爲仰企感發恢復道德之本謹詳志典制以待將來云

木主正式

大殿正位

至聖先師孔子

木主高二尺三寸七分闊四寸厚一寸座高四寸長七寸厚三寸

四配

木主高一尺五寸闊三寸二分厚五分座高四寸長六寸厚二寸八分

復聖顏子

宗聖曾子

述聖子思子

亞聖孟子

東西哲位

木主高一尺四寸闊二寸六分厚五分座高四寸長六寸厚二寸八分

閔子騫

冉子雍

端木子賜

仲子由

卜子夏

有子若

冉子耕

宰子予

冉子求

言子偃

顓孫子師

朱子熹

東廡先賢

木主式同哲位

公孫僑

林放

原憲

南宮适

商瞿

漆雕開

司馬耕

梁鱣

冉儒

伯虔

冉季漆雕徒父漆雕修公西赤任不齊
公良儒公肩定鄔單罕父黑榮旂
左人郢鄭國原亢廉潔叔仲會
公西輿如邾異陳亢琴張步叔乘
秦非顏噲顏何縣亶牧皮
樂正克萬章周敦頤程顥邵雍

西廡先賢

主式同前

蘧瑗澹臺滅明宓不齊公冶長公皙哀
高柴樊須商澤巫馬施顏辛
曹卣公孫龍秦商顏高壤駟赤
石作蜀公夏首后處奚容蒧顏祖
句井疆秦祖縣城公孫句茲燕伋

樂 頌 狄 黑 孔 忠 公 西 葭 顏 之 僕

施 之 常 申 棖 左 邱 明 秦 冉 公 明 儀

公 都 子 公 孫 丑 張 載 程 頤

東廡先儒

木主式高一尺三寸四分闊二寸三分厚四分座高二寸三分長四寸厚二寸

公 羊 高 伏 勝 毛 亨 孔 安 國 后 蒼

許 慎 鄭 康 成 范 甯 陸 贄 范 仲 淹

歐 陽 修 司 馬 光 謝 良 佐 呂 大 臨 羅 從 彥

李 綱 張 栻 陸 九 淵 陳 淳 眞 德 秀

何 基 文 天 祥 趙 復 金 履 祥 陳 澠

方 孝 儒 薛 瑄 胡 居 仁 羅 欽 順 呂 枬

劉 宗 周 孫 奇 逢 張 履 祥 陸 隴 其 張 伯 行

西廡先儒

木主同上

穀梁赤 高望生 董仲舒 劉德毛 萇
杜子春 諸葛亮 王通 韓愈 胡瑗
韓琪 楊時 游酢 尹焞 胡安國
李侗 呂祖謙 袁燮 黃幹 輔廣
蔡沈 魏了翁 王柏 陸秀夫 許衡
吳澄 許謙 曹端 陳獻章 蔡清
王守仁 呂坤 黃道周 陸世儀 湯斌
名宦鄉賢姓名詳前志

建設規模

廟南向泮池最南池上圍以玲瓏甃牆池北宮牆全紅色左右門
東額題德配天地西額道貫古今門外各立下馬石牌次櫺星門
三間中高大冠以牌樓大書金色文廟二字次戟門三間東西又

各房七間內一間門東三間祀名宦西三間祀鄉賢餘東神廚西神庫次兩廡東西各十一間祀先賢先儒次正中樂臺三面石欄南中陛禁地臺左右階致祭由之臺下甬道東燎鑪一上爲大成殿七間規模闕壯清末升孔爲大祀瓦制例改黃色同州尙仍綠後兩偏門東曰禮門西曰義路次明倫堂五間兩翼各房三間次碑亭三間最後尊經閣五間樓高與大成殿埒

祭期

每歲春秋仲月上丁質明時致祭用釋奠禮仲月取時之正上丁取陰火文明之象朔望行香用釋菜禮

禮樂

釋奠禮隆三獻有牲牢

牛羊猪

用幣合樂獻酬釋菜禮殺一獻以

蘋藻諸物致虔而已升大祀後神牌用青地金書神幄案衣用黃

雲緞爵用玉籩豆各十二侑用八舞供案在殿上樂歌在臺上行禮以迎神三獻送神爲節拜跪從臺下三跪九叩

崇聖祠 在孔廟左祀孔子先五代追封王爵今爲瓦礫場

文昌祠 在崇聖祠左軍興破壞

武廟 城內有三處惟東者向例祀以太牢民國四年奉文關岳合祀改名

關岳廟左右列二十四配祀歷代名將建設未就而匪至破壞之今遵國令恪志祀典以待將來

大殿正位

關聖大帝

岳忠武王

右祀位次

趙雲謝玄賀若弼尉遲敬德李光弼
王彥章狄青劉錡郭侃常遇春
藍玉周遇吉

左祀位次

張飛王濬韓擒虎李靖蘇定方
郭子儀曹彬韓世忠旭烈兀徐達
馮勝戚繼光

關帝封號

忠義神武靈佑仁勇威顯獲國保民精誠綏靖翊贊關聖大帝

神牌高二尺四寸廣六寸厚七分座高五寸廣七寸厚四分硃地

金書仲月吉日五月十三日祭

大王廟 在治城東南距三里之高阜上民國十四年同州商會以

其地濱洛岸爲豫晉商舶上下載之要口故集會建廟祀載在祀典之

金龍大王立三九兩月中旬爲會期以廣招徠阜下卽洛水每水量減縮露出木椿石塊無數蓋古代橋梁之遺址

忠烈祠 在治城東中華民國十七年一軍軍長張維璽建

古風烈女傳卷之十 一 單單長卷

大荔縣新志存稿卷八

金石志

大荔石刻近搜現多種頗堪推重而前志載者寥寥今特詳援各金石名家所攷論者補注各種下按年代編次俾邑人士知各金石聲價之高其文字多有補史傳之功而先賢名迹希世珍寶聽其埋沒於荒煙蔓草實爲士林一大減色也後載各碑均有關於地方文獻亦非敢爲濫收者

晉

同州蘭亭序

行草書

至元辛未摹刻王羲之書在同州府文廟字徑三寸許體兼行草末有蔡挺折叔寶跋敍次頗詳錄於左

蔡氏關中金
石記附記

王右軍蘭亭記按唐逸史載此書與太宗偕葬又云長公主以僞

本易之則此書尤在人間世也吾家舊藏此書乃陶學士穀之裔孫遺余言江南李國主酷愛之標爲坐屏旦暮玩之誠希世之寶也我祖使江南李國主因舉爲贈受之更爲臥軸庶便於觀閱也邇者定州石刻小字朝廷尙取而置之禁中則此書尤可寶重也紹聖二年六月旣望莆陽蔡挺子正書

觀東坡題蘭亭記後稱真本已入昭陵及觀蔡樞使所跋則二賢之語幾若矛盾予亦未能審於是非三復沈學士跋云字畫壯麗如饑鷹夜歸渴驥奔泉俊逸有餘其妙不可得而形容斯言也與鄙見若合符節昔陶學士曾得此本於江南李國主今予又得之西蜀散亂圖籍中信斯文顯晦各有其時哉心乎愛矣尙虞歲久缺壞摸刻於所守同之郡學別爲四圖庶便於士君子文房瞻視云至元辛未小春府谷折叔寶

北周

天和元年十七人造像記

正書文備錄

夫旨理幽微非言不宣法身常住非像不表是以佛弟子十七人等仰憑聖容內覩靈顏誠心發願罄捨家珍敬造釋迦石像一軀
合 庄瑩雕葦麗同金質相好之美等昔真容藉此福因仰藉皇家帝
合 祚天長公休地□寇難自消□合等一存亡父母援及七世法界
蒼生普蒙沾益共越□□俱證妙果 天和元年歲在丙戌十一月甲戌廿日癸□

熊志石刻載北周破碑趺一注謂僅存天和元年字類八分查此石乃造像趺下之座佛像已毀僅留此座正面刻文並年月日前後面先載造像者之父母姓名官爵最後載邑子書生共十七人合記造像人數字正書已脫八分筆法熊志未注意但略記而失

其真此石雖摩挲歲久不無模糊而清晰字體尤多骨力勁健氣韻古樸游藝者宜珍護之

文中異字微作微靈作霑磬作磬莊作庄華作葦寇作寇益作益證作證丙戌作丙戌或由古變或徇時行玩之亦頗增人興趣

隋

舍利塔題額

今在學校隸書

舍利塔下銘

今佚邑紀氏存拓本隸書

舍利塔石蓋

在古金塔寺今尚勤小學內正書外篆書

周志石刻載舍利塔銘額注在金塔寺查寺毀已久石存學校隸書諸佛舍利寶塔六大字旁正書末有僧雋善題額字蓋塔上標題並非銘語按金石文字記載銘文而未載此額今邑紀氏家藏

銘語拓本作隸體鋒稜瘦勁文字完整據云昔年得自市賈寶爲珍秘乃當年塔下銘石之文惜原石已佚今年藉金塔寺址改建尙勤小學掘地得當年所下舍利石函按潛研堂金石文跋尾載隋仁壽元年下詔書分送舍利往諸州限十月十五日午時同下入石函是歲分送舍利四之州凡三十今見青歧同三州文同小異足徵當時佞佛之盛四邊圍以石板刻劃怪形人像中藏石函內沃黃金安舍利子前面石蓋一方厚略五寸許方形中平邊陀面刻陽文篆字曰舍利塔下之銘內面刊正書六行恍悟紀氏藏本恰合此蓋下之銘文蓋出而銘石佚真堪惋惜今將蓋文六行並銘文全體錄左當知銘石在塔下與蓋合一題額在塔上與塔同建周志之誤亦可豁然矣

舍利塔石蓋內文

送舍利法師道密

勅使尚書吏部羽騎尉盧君英

同州司馬武陽縣開國男鞏志監

司士參軍長樂縣開國子李世隆當營造

武鄉縣令韋世方

丞高世師

舍利塔下銘

按拓本補錄

維大隋仁壽元年歲次辛酉十月辛亥朔十五日乙丑皇帝普爲
一切法界幽顯生靈謹於同州武鄉縣大興國寺奉安舍利敬造
靈塔願太祖武元皇帝元明皇后皇帝皇后皇太子諸王子孫等
并內外羣官爰及民庶六道三塗人非人等生生世世值佛聞法
永離苦空同昇妙果

天和元年郭德遵造像記

正書文備錄